



Broj: 02-02-1640/17  
Datum: 18.10.2017. godine

**ZAPISNIK**  
**SA SJEDNICE ODBORA ZA INFORMATIKU I TELEMATIKU**  
**GRADA SARAJEVA**  
*održane 18.10.2017. godine*

Prisutni:

1. Ismir Arslanović, predsjedavajući Odbora
2. Tarik Jažić, zamjenik Predsjedavajućeg
3. Ekrem Kaljanac, član
4. Kenan Hodžić, član
5. Adnan Talić, član
6. Vedad Deljković, član

Odsutan: Ajdin Kahrović, član

Sjednici prisustvovala iz Gradske službe za Gradskog vijeće:

- Mirjana Đanović Stanić, šef Odsjeka za stručne poslove

Predsjedavajući je otvorio sjednicu, pozdravio prisutne i utvrdio kvorum za punovažan rad i odlučivanje.

Sjednica je započela razmatranjem i jednoglasnim usvajanjem Zapisnika o radu prethodne sjednice Odbora za informatiku i telematiku održane 16.10.2017. godine.

Poslije rasprave i sažetka Predsjedavajućeg, jednoglasno je usvojen sljedeći **dnevni red**:

1. Nacrt Politike Grada Sarajeva za mandatni period 2016-2020
2. Mišljenje o Prednacrtu Zakona o lokalnoj samoupravi Kantona Sarajevo
3. Tekuća pitanja

**TAČKA 1.**

***Nacrt Politike Grada Sarajeva za mandatni period 2016-2020***

Poslije kratkih uvodnih napomena, iz rasprave, na prijedlog zamjenika predsjedavajućeg Odbora proizišao je prijedlog za zaključivanje.

Poslije rasprave i sažetka Predsjedavajućeg, jednoglasno je usvojen sljedeći **zaključak**:

Odbor za informatiku i telematiku sugerira Gradskom vijeću da razmatra Nacrt Politike Grada Sarajeva za mandatni period 2016-2020 kako je predložen i uputi ga u javnu raspravu uz uvažavanje sljedećeg zaključka.

Odbor za informatiku i telematiku predlaže da se u Nacrt Politike uvrsti i novi izazov pod naslovom „Pametni grad Sarajevo“, a da se razrada ovog opredjeljenja formulira na osnovi prijedloga ovog radnog tijela tokom javne rasprave o Nacrtu Politike.



## *TAČKA 2.*

### *Mišljenje o Prednacrtu Zakona o lokalnoj samoupravi Kantona Sarajevo*

Poslije kratkih uvodnih napomena, te rasprave i sažetka Predsjedavajućeg jednoglasno je usvojen sljedeći **zaključak**:

1. Odbor za informatiku i telematiku konstatira da je upoznat sa Prednacrtom Zakona o lokalnoj samoupravi Kantona Sarajevo, te konstatira da u ovoj fazi ne može dati odgovarajuće mišljenje o predloženim rješenjima u Prednacrtu Zakona.
2. Odbor za informatiku i telematiku predlaže Gradskom vijeću da u povodu razmatranja ovog materijala podsjeti Kanton Sarajevo i javnost da mišljenje Grada Sarajeva o Amandmanima na Ustavu Kantona, Skupština Kantona Sarajevo nije uvažila, te da Ustavom Kantona Sarajevo nije tretiran teritorij Grada Sarajeva (a proširenje teritorije grada je ustavna reforma nužno trebala iznjedriti), ali da je Ustavom utvrđen samoupravni djelokrug Grada Sarajeva (što, po mišljenju Grada nije trebalo biti sadržano u Ustavu), te da u ovoj fazi izrade Zakona, nije moguće dati odgovarajuće mišljenje Grada Sarajeva koje bi bilo u okviru stava Grada Sarajeva o reformi lokalne samouprave u Kantonu Sarajevo, a zauzetog u povodu razmatranja Amandmana na Ustav Kantona Sarajevo, te da Grad Sarajevo i dalje očekuje da se opredjeljenja Grada Sarajeva, a posebno ovdje istaknute kategorije ponovo razmotre.
3. Odbor za informatiku i telematiku predlaže da Grad Sarajevo uputi sugestiju Kantonu Sarajevo, da po utvrđivanju Nacrta zakona o lokalnoj samoupravi organizira široku i dugu javnu raspravu, te da na vrijeme pozove i Grad Sarajevo da se očituje o rješenjima iz konačnog opredjeljenja predlagača Zakona.

## *TAČKA 3.*

### *Tekuća pitanja*

Poslije rasprave i sažetka Predsjedavajućeg, jednoglasno je usvojen sljedeći zaključak:

Odbor za informatiku i telematiku upućuje prijedlog Predsjedavajućem Gradskog vijeća da organizira sastanak sa Gradonačelnikom i predsjedavajućim i zamjenikom predsjedavajućeg Odbora za informatiku i telematiku s ciljem upoznavanja Gradonačelnika sa razlozima predlaganja dopune Nacrta politike novim izazovom „Pametan grad Sarajevo“, te razmatranja prijedloga za razradu ovog opredjeljenja.

*ZAPISNIČAR*

*Mirjana Đanović-Stanić*

*PREDSJEDAVAJUĆI ODBORA*

*Ismir Arslanović, s.r.*